





[GENERAL](#)

## UMP terima kunjungan Sekolah Menengah Imtiaz Yayasan Terengganu Marang

24 March 2023

**Disediakan oleh: Yong Yong Mei, Confucius Institute (CI) UMP**

PEKAN, 8 Februari 2023 - Seramai 30 orang dari Sekolah Menengah Imtiaz Yayasan Terengganu (SMIYT), Marang termasuk pengetua, guru-guru dan pelajar berkunjung ke Universiti Malaysia Pahang (UMP) dan melawat Confucius Institute (CI).

Delegasi diketuai oleh pegawai SMI YT Marang, Fain Zahirah.

Delegasi dibawa melawat ke makmal di Fakulti Teknologi Kejuruteraan Elektrik dan Elektronik (FTKEE) dan Fakulti Teknologi Kejuruteraan Mekanikal dan Automotif (FTKMA) pada sesi pagi.

Pengarah CI, Yong Ying Mei berkata, pelajar berpeluang menggunakan dan mencuba sendiri peralatan eksperimen yang berbeza dan ternyata mereka menunjukkan minat dalam bidang Kejuruteraan.



Pihaknya amat mengalu-alukan kedatangan SMIYT Marang ke UMP dan menggalakkan pelajar belajar bahasa Mandarin dan mengambil Ujian Kefasihhan Bahasa Mandarin (HSK) agar berpeluang mengikuti program Ijazah Dual UMP dengan BJTU dalam bidang Kejuruteraan.

Turut sama hadir, Pengetua SMIYT Marang, Ustaz Wan Mohd Azman Wan Abdullah yang menggalakkan pelajar menguasai dalam bahasa Mandarin dan melanjutkan pelajaran di UMP dan di China.

CI UMP turut menganjurkan aktiviti bahasa dan budaya seperti menyanyi lagu bahasa Mandarin, seni menggunting kertas, seni lukisan Cina dan pertandingan menggunakan penyepit.

Aktiviti bahasa dan budaya diajar oleh pensyarah CI, Profesor Madya Zhang Ying dan guru-guru bahasa Mandarin CI UMP termasuklah Baiguanyi, Zhang Xian dan Wang Changwei.

TAGS / KEYWORDS

[Lawatan Sekolah SMIYT](#)